

兩浙金石志

兩浙金石志序

余在浙久遊浙之名山大川殆遍錄浙人之詩數千家成
兩浙輶軒錄刻之訪兩浙帝王賢哲之陵墓加以修護成
防護錄刻之以其餘力及于金石刻搜訪摹榻頗窮幽遠
又勒成兩浙金石志一書爾時助余搜訪考證者則有趙
晉齋魏何夢華元諸君子許周生兵部宗亦多考訂

增益且錄全藁以去勿勿十餘年矣道光四年粵中有鈔
本十八卷校原藁文有所刪鐘鼎錢印之不定屬浙物者
亦多所刪然亦簡明可喜李鐵橋廉訪澤率浙人之官于
粵者校刻之不兩月而工畢今而後藏板于浙印書通行
使古金石自會稽秦刻以下迄於元末皆著于篇好古者

得有所稽不亦善歟夏五月望日阮元書于嶺南節院之
定靜堂

兩浙金石志目錄

卷一

秦漢至唐開元初六十一種

卷二

唐開元丁巳至開成庚申三十六種

卷三

唐會昌辛酉至唐末四十五種

卷四

後梁開平戊辰至吳越已未二十九種

卷五

宋建隆辛酉至治平乙巳五十八種

卷六

宋熙寧戊申至元祐□□四十二種

卷七

宋紹聖甲戌至北宋末三十六種

卷八

宋建炎戊申至紹興丙子二十二種

卷九

宋紹興丁丑至淳熙己亥四十九種

卷十

宋淳熙庚子至嘉泰甲子三十八種

卷十一

宋開禧乙丑至嘉熙己亥三十七種

卷十二

宋淳祐辛丑至景定壬戌三十三種

卷十三

宋景定壬戌至德祐丙子三十五種

卷十四

元至元丁丑至大德丁未四十種

卷十五

元至大己酉至泰定甲子二十二種

卷十六

元泰定甲子至至元庚辰一十七種

卷十七

元至正辛巳至至正辛卯二十四種

卷十八

元至正壬辰至至正丙午三十四種

總共六百五十八種

兩浙金石志卷一

揚州阮元編錄

秦會稽石刻

皇帝休烈平壹宇內德惠攸長世有七季親輶天下周覽
遠方遂登會稽宣省習俗黔首齊莊羣臣誦功本原事迹
追道高明秦聖臨國始定刑名顯陳舊章初平濇式審別
職任以立恆常六王專倍貪戾傲猛率衆自強暴虐恣行
負力而驕激動甲兵陰通閒使以事合巡行爲辟方內飾
詐謀外來侵邊遂起禍殃義威誅之殄熄暴悖亂賊滅亡
聖德廣密六合之中被澤無疆皇帝并宇兼聽萬事遠近
畢清運理羣物考驗事實各載其名貴賤並通善否陳蒨

靡有隱情飾省宣義有子而嫁倍死不貞防隔內外禁止
淫泆男女絜誠夫爲寄瑕殺之無辜助秉義程妻爲逃嫁
子不得母咸化廉清大治濯俗天下承風蒙被休經皆遵
軌度和安敦勉莫不順令黔首修絜人衆同則嘉保泰平
後敬奉灑常治無極輿舟不傾巡臣誦烈請刻此石光陞

休銘

李斯書繹山頌淳化間守太常博士鄭文寶以徐鉉所授
本刻於長安國學泰山頌至元間行臺侍御史李處巽獲
劉跂所摸本刊於建鄴郡庠由是其迹僅存而所傳浸廣
予考諸記載始皇及二世抵越取浙江岑石刻頌於山亦
斯筆也磨滅久矣好古博雅者益願見而不可得予乃以

家藏舊本摹勒置於會稽熒舍庶與嶧秦等文並貽於後
但史記攸長作脩長世字作三十追衙作追首又作追守
軌度作度軌今則俱依石刻至正元年辛巳歲夏五月望
日承德郎紹興路總管府推官東平申屠駟識

右碑文十二行行二十四字篆書徑二寸後跋二行
八分書徑六分向在紹興府學與繹山碑表裏刻之
今嶧山碑仍在而會稽碑則于康熙間爲石工磨去
另刻他文乾隆五十七年知府李亨特以申屠氏舊
拓本重勒于原石而刪其後跋茲從仁和趙氏魏家
藏舊本補錄之按圖經會稽秦刻在秦望山一云在
鷲鼻山一云在何山

秦嶧山石刻

皇帝立國維初在昔嗣世稱王討伐亂逆威動四極武義
直方戎臣奉詔經時不久滅六暴強廿有六季上薦高號
孝道顯明既獻泰成乃降專惠親輜遠方登于繹山羣臣
從者咸思攸長追念亂世分土建邦以開爭理功戰日作
流血於野自泰古始世無萬數陀及五帝莫能禁止迺今
皇帝壹家天下兵不復起燭害滅除黔首康定利澤長久
羣臣誦略刻此樂石以著經紀皇帝曰金石刻盡始皇帝
所爲也今襲號而金石刻辭不稱始皇帝其於久遠也如
後嗣爲之者不稱成功盛德丞相臣斯臣去疾御史大夫臣
德昧死言臣請具刻詔書金石刻因明白矣臣昧死請制

曰可

秦相李斯書繹山碑跡妙時古殊爲世重故散騎常侍徐公鉉酷耽玉箸垂五十年時無其比晚節獲繹山碑摸本師其筆力自謂得思於天人之際因是廣求己之舊跡焚擲略盡文寶受學徐門粗堅企及之志太平興國五年春再舉進士東適齊魯客鄒邑登繹山求訪秦碑邈然無覩逮於旬浹怛悵于榛蕪之下惜其神蹤將墜於世今以徐所授摸本刊石于長安故都國子學庶博雅君子見先儒之指歸淳化四年八月十五日承奉郎守太常博士陝府西諸州水陸計度轉運副使賜緋魚袋鄭文寶記至正元年歲在辛巳二月初五日承德郎紹興路總管府推官魯

人申屠駟以秦刻校徐模重鑄於越庠之稽古閣 四明

王永仁刊

右碑文十一行行二十一字篆書徑二寸五分後刻
鄭文寶記正書三行又申屠駟跋一行作八分書在
紹興府學尊經閣下會稽石刻之陰按此碑結體分
行與陝本毫髮無異自皇帝曰金石刻以下秦本紀
有之詔書金石刻彼作詔書刻石當從此案說文攸
秦刻石嶧山文攸字如此 一 秦刻石及如此今此刻
仍作攸字及字蓋亦徐鼎臣等所改非復先秦舊觀
矣余讀此文亦問二句用一韻與會稽刻石同首用
王方強明方長六字爲一韻次用理始止起久紀爲

一韻古讀久如己詩邱中有李彼留之子彼留之子
貽我佩玖可證自皇帝曰以下則爲無韻之文

漢建元軛

右軛山陰某藏據陳氏

廣寧

拓本錄之長五寸七分

厚一寸七分文二行曰建元二年七月八日故民王
有張申明仲味馬十八字下已斷缺按文稱故民必
爲官于斯者而作與漢碑陰故吏門生名同一例

漢建元軛

右軛厚一寸四分長四寸四分文曰建元三年四字

海鹽張氏

燕昌

藏按建元西漢東晉皆有之惟漢武

帝建元有三年晉康帝二年而終則此爲西京舊物

也浙中漢晉碑刻甚少獨魏文敗垣墻角間常有見者茲就浙人所得以存其概云

漢五鳳魏

右魏厚一寸三分長四寸二分文曰五鳳五年四字

元得此魏於海鹽張氏燕昌家藏已製爲硯其上刻

錢宗伯載銘記釋爲五鳳三年後翁學士方綱見之

定爲五鳳五年謂上五字中間二畫直交用隸勢下五字中間彎交用篆勢今細審之果然漢五鳳僅四年其明年爲甘露元年此云五年者甘露改元尚在本年之冬浙澣之地去陝遼遠作魏月日尚早故猶稱五鳳五年

漢甘露甌

右甌出嘉興厚一寸五分長四寸文曰甘露二年
字已損其半漢宣帝紀元也

漢黃龍甌

右甌厚二寸二分長四寸四分文曰黃龍元年建五
字側面又有泉文一枚案漢宣帝三十五年壬申改
元黃龍元年是年十二月帝崩此甌元得於海鹽張
氏與建元五鳳諸甌同爲浙中貞石之冠

漢石經殘碑

其或迪自怨口 缺 口之勞爾先子不 缺 口能迪古我先后
缺興降不永於戲今 缺建乃家 口般庚既 缺

右尚書盤庚篇五行三十字

恥道之以德齊□□□缺於我我對曰毋違樊遲□缺□

子夏問孝子曰色難有事缺人焉廋子曰溫故□□新

缺端斯害也已子曰□□女缺爲則民服孔子□曰□

□□缺書云孝于惟孝友于兄□□缺□於殷禮所損益

可知□□缺

右論語爲政篇八行六十五字

不蔽簡在帝心朕躬有缺歸心焉所重民食喪祭缺不驕

威而不猛子缺冠尊其瞻視儼然缺

右論語堯曰篇五行三十二字

右漢石經尚書論語三段凡一百二十七字錢唐黃

氏易得於京邸拓本紙墨渾古前有元人蒙古篆印
必係宋拓較洪氏隸釋所載論語首段多一女字餘
細審之尙有一二筆畫可辨者當爲熹平原刻其考
證已見黃氏小蓬萊閣金石文字及翁氏兩漢金石
記者茲不復贅按尙書予不此作予丕盤庚此作般
庚古通用字不其或稽自怒曷瘳稽作迪怒作怨爾
雅迪道也言不以道自止其怨義勝僞孔論語孝乎
作孝于按釋文亦作孝于云一本作孝乎是唐時板
本尙與漢石經合惠氏棟云包咸注孝于惟孝美大
孝之辭後世儒者據晉世所出君陳篇改孝于爲乎
以惟孝屬下句若非漢石經及包氏之注又烏从是

正邪簡在帝心簡作間此隸書之變間非簡策字凡
从竹之字隸書多變从艸詩溱洧方秉簡兮傳云簡
蘭也謂簡卽蘭之異文耳說文詆調字或作調可證
近金匱錢氏深所刻尚書魯詩儀禮公羊論語共五
百餘字予竊疑之隸釋魯詩殘碑父兮父父下注云
缺一字乃錢氏于此直接曰字後重刻于紹興府學
者又增一缺字以意加減前後不符元和顧氏廣折

云尚書多方道出於不詳道當是道字之誤道終也
故孔作終此今古文異字今吳縣黃氏丕烈所藏宋

本隸釋此字作道筆畫微損重刻隸釋者誤認爲道
字而錢氏亦仍其謬予近見宋槧劉球隸韻所列石

經凡一百七十七字嘗逐一核之如尙書洪範鹹字錢本缺四小點論語爲政端字錢本中間多摹一豎其餘筆畫增損處更不可勝計蓋彼但據近時所刻隸釋抄集成文非真有舊本也予既錄黃氏宋拓入兩浙金石志並詳論錢本之僞以祛學者之惑云

漢光和甄

右甄厚一寸三分長四寸文曰光和六年保子宜孫八字橫列錢唐黃氏易得於陝西郃陽茲據何夢華拓本錄之光和六年後漢靈帝癸亥歲也

漢長生未央殘甄

右甄山陰何觀察銑藏甄長三寸厚二寸篆書長生

未央四字若今之印章有界劃十字紋中間同瓦當式綴一星何夢華云曾見俞竹居所藏全甌分五列每交縫處俱有此四字各以圖花間之此乃分其一角耳

漢萬歲甌

右二甌一爲何氏

元錫

藏長七寸六分寬四寸厚一

寸四分文曰九年八月廿日造治凡八字上已殘缺

側面文曰萬歲不敗四字一爲張氏

燕昌

藏長一尺

六分寬五寸三分厚一寸八分文曰萬歲不敗四字

隸續汝伯寧甌有曰萬歲舍曹叔甌有曰千萬歲署舍邯君篆甌有曰萬秋宅洪氏謂漢人無忌諱如此

元按古人塋墓卜築之甄大約有字甄用萬歲千秋等語亦當時風尚使然

漢大吉甄

右二甄一長七寸六分厚五寸五分文曰甲子二字中間一泉又作大吉二字一長五寸八分厚一寸六分文曰大吉二字皆錢唐徐氏懋家藏

漢大吉甄

右甄長一寸厚一寸分文曰大吉宜侯王五字侯字反書何氏元錫得于長興署齋

漢羅道人甄

右甄長四寸厚一寸四分文曰羅道人三字陳氏豫

鐘 得於武康字體古勁絕類孔宙碑

漢鳳鳥甌

右甌長三寸三分厚一寸二分文曰鳳鳥二字鳥字反書趙氏魏藏案漢有元鳳五鳳天鳳年號宣帝五鳳元年應邵注云先者鳳皇五至因以改元此甌或卽其時營造所用故以鳳鳥誌瑞歟

漢傳送甌

右二甌一爲陳司馬鴻壽藏長五寸厚一寸五分一

面文曰千石公侯壽貴六字一面文曰傳送下出銀

艾六字一爲陳氏豫鐘藏長四寸厚一寸四分一面

文曰功曹傳送下壽六字一面文曰功曹傳送四字

案後漢書與服志公卿以下至縣三百石長導從置門下五吏賊曹督盜賊功曹皆帶劔三車從導此功曹乃當日所屬掾史故爲傳送墓輓也或曰六壬之占以寅爲功曹然於輓文不合今不從

漢成公輓

右輓長三寸厚一寸七分文曰成公二字成字反書

嘉興陸氏

繩

藏據王氏

薄仁

拓本錄入

漢宜子孫殘輓

右殘輓長四寸厚一寸八分文曰宜子孫三字何氏

元錫

得於臨安道中琢爲硯梁山舟侍講爲之銘曰

青黃斑駁似石非石來自於潛山疑東漢時物磨鏡

無光琢硯則良宜爾子孫長爲書田之耕氓嘉慶辛未仲春爲夢華世友銘八十九老人山舟書

漢費氏三碑

梁相費汎碑

梁相諱汎字仲慮此邦之人也其先季交爲魯大夫有功封費因妣爲姓秦項兵起避墜丐此遂留家焉世業稼穡好學禮樂大漢之缺向司相繼絕而復續全梁府君以孝友全行聞於鄉邑仕更郡右寒鄂質亶左公履法察孝廉除郎中屯騎司馬遷蕭令賑民如子先教後罰流玄默之化奉以忠信守以敦薦在位九幸百姓移風苛慝不作姦寇不發變爭路銷推讓道生三幸不斷獄禎祥感應時沛

有蝗獨不入界由此顯名國以狀聞朝廷嘉諸拜梁相宣

茲惠

缺

平帥自正當登台階延究肩耆被病遜位春秋八

十卒二子慕

缺

鳳由宰府全堂邑令政九江大守適孫玠

感奚斯之義刊銘玄石旌勸厥美俾

缺

覽焉其辭曰旆旆

顯祖厥德麟鏤播勛於前卒碩基業遺愛於民福流後胎

缺昌

缺

左堂

缺

室功烈休矣末昆勗力

堂邑令費鳳碑

惟熹平六年歲祿亏大菑无射之月堂邑令費君寢疾卒

烏呼哀哉於是夫人元弟故

字三

守卜筮追而誄之其辭

曰

君體履柔而溫其如玉肅孝友乎閭闕執忠謇於王室立

迹州郡仕更右職舉直措柱彊御缺 賦貢孝三署勛譽有

則出宰近甸民懷厥德色斯輕翔翻然高絜王人述職分

缺班爵台缺 招助鼎調物還己進弟不營簡祿棲遲歷

稔項領滯畜鄣土平庭黔民化命君缺 政化缺 行從

善遷恩三基基 致道有耻且徂牧尚控功轉左堂邑垂拱

不言而民帥伏三時之間卒以缺 洽旻天不弔命也早歿

春秋六十六黎儀瘁傷泣涕連漉豈愛我躬命不可贖臨

終迷缺 丙發祖業良田畝亶一金推子弟息辭位讓財

行義高邵卓不可及名實相副有始有卒缺 人善癒子

切惻

故吏故鄣施業字世堅義民堂邑儼忠忠平十有一慈考

早頃喪以備於禮制蓬首而

字三

壞而消辟地

字三

行毋

氏以

字四

而悼傷服

缺

非五五縗杖其未除廣陵之郡守

字

東海

字二

聞寢疾而終卒凡百皆悲

字四

爾化公屋之餘

慶隨

缺

棺柩車良以而逆之祖載已畢訖還返其故鄉君

缺

其節操悲其

字二

每以

字五

其志親忠

缺

君厚德念

君之仁恩聞君之隕隧剝斷而辛酸復截縗麻杖

缺

君之

柩桐扶號而竭

缺

泣涕其

字八

甫於岐山

字二

其從之迷

君而到向上書而慶

字

君盡禽息之

字三

君之

字二

君

三字

於山列種嘉奇樹特爲之潤鮮忠業與

字二

猶君

恩使然雖君有六化孰能爾者難子屯之終

字三

思其顏

而

缺

死可贖不愛

字二

人今君

缺

於被卓諱而超倫吏氏

慕高蹤來者其如兩偉名建厝石垂示於

缺二字

門下功曹

徐侃字元節主簿呂嘉字元

缺

主史陳信字聖舉主記史

缺忠字建臺門下史曹助字仲臺

缺

吏呂常字孝讓從掾

位徐超字元貴

費鳳別碑

君甥家中孫曰陵石勛字子丈載馳載驅來奔于喪庭肝
確意悲感切傷心瞻破碑誅懷之好音司馬慕蘭相南窗
復白珪仰之以彌高鑽之而彌堅不堪哀且思叙詩之一
篇庶幾昔子夏起夫子之所言其辭曰

君諱鳳字伯蕭梁相之元子九江大守之長兄也世德襲
爵銀叟相亞恢遐祖之鴻軌拓前代之休蹤邈逸馭而難

繼非羣愚之所頌仁義本於心慈孝著於性言不失莖蕘
行不越矩度清潔噉爾塗而不滓恤憂矜厄施而不記由
近及遠靡不覆載故能闡令名而雲騰揚盛聲而風布踐
郡右職三貢獻計辟州式部忠以禴上漢安二平吳郡大
守東海郭君以君有透虵之節自公之操幸世一舉孝廉
拜郎中除陳國新平長神化風靡惠以流下靜而爲治匪
煩匪擾乾乾日稷矜此黔首功成事就色斯高舉宰司委
職位思賢以自輔玄懿守謙壹白駒以響阻丹陽有鉞寢
漫缺四命君討理之試守故鄣長益危亂有不讓又畏此
之關周缺二而缺牧爰止其師旅鳩若飛鷹鷄鏞若夫娣
庸墮者綏以德弱者以仁撫藺在上帝心功訓而特紀輔

輿宰堂邑基月而致道視

缺四

遂據丐卿尹中表之恩情

兄弟與甥甥鳩與女蘿性樂松之茂好聞君顯令名舉宗
爲歡喜不悟奄忽終藏形而匿景耕夫釋耒耜衆婦投鉤
首道阻而且長望遠淚如雨莢馬循大路寒裳而涉洧條
條歌柔離思黃鳥集丐楚憫憫之臨內送君於厚土嗟嗟
悲且傷每食缺不絕夫人薦舊好不以存以文平感渭
陽悽愴益以甚諸姑咸辟踊爰及君伯姊孝孫字元宰生
不識考妣追惟厥祖恩蓬首斬纒杖世所不能爲流稱於
鄉黨見吾若君左剝裂而不可壹別會無期相去三千里
絕翰永恍惚泣下不可止

費汎碑十六字

汎因稼鄉蕭年變銷蝗由狀
階政前休勦

費鳳碑四十字

荒堂呼哀哉友柱句翔翻鼎
調領蓄且牧言伏弔早及連
迷財副堅消杖比樞老剝辛
酸麻禽鮮超游咸

費鳳別碑六十字

舅奔肝傷瞻懷仰鑽堅堪篇
簫梁銀遐前逸難羣英術
噉恤鬪雲騰踐獻操擾黔成

丹寇部 鵠 疆 轄 甥 鳩 蘿 藏

耕 婦 鉤 望 循 拳 裳 嗟 甚 姑 考

綴 吾 壺 別 忼

右費氏三碑隸釋云費氏父子三碑並列於吳興校官之壁屢訪未得據隸釋所載補入嗣見宋石刻劉球隸韻十卷所收漢碑文字散見於各韻之下而費氏三碑皆在其列因序次集錄之共得一百十六字附於後然字隸釋作休畜字作畜惟咸字洪書未見皆可據以補正其筆畫古勁彷彿熹平原刻矣球事跡無考卷首有進書表一首稱草莽臣球則未出仕也其書載在宋史藝文志當屬孝宗時人在洪婁諸

禹陵口賦此詩以紀盛口云

沐雨櫛風無暇日口口口見聖躬勞

古百口口口元氣梅梁口海作波濤

至今遺迹衣冠在口口安口魑魅口

欲覓口陵尋窆石山僧爲我剪蓬蒿

右元人詩刻九行正書徑五分

會稽令趙與陞來遊男孟握侍

右宋人題名一行八分書徑一寸七分

員嶠真逸來遊

皇慶元年八月八日

右元人題名二行行書徑七分

右窆石在會稽禹陵廟中高六尺周廣四尺頂上有穿狀如秤錘篆文今存三行行十六字字徑二寸每行首一字下有斷裂痕隱隱辨玉石乾象并天文眞黃等字嘉泰會稽志云此石有古隸不可讀則其壞已久後題員嶠眞逸者爲元李侗之號侗字士宏河東太原人官至集賢殿閣學士見圖繪寶鑑及鐵網珊瑚予按其篆文極似天璽紀功碑後檢太平寰宇記會稽縣引輿地記云禹廟側有石船長一丈云禹所乘也孫皓刻其背以述功焉後人以皓無功可記乃覆船刻它字其船中折據此爲三國孫氏刻審矣嘉泰志稱直寶文閣王順伯復齋定爲漢刻未之得

也徐勉之保越錄云元至正末兵變石爲胡大海所
仆

吳太平甌

石二甌皆厚一寸二分殘闕不全一長四寸文曰太
平六月土五字一長三寸文曰平六月吉四字二甌
字徑九分筆意悉同當爲一范所製太平爲吳會稽
王孫亮紀年此但書月而不書年亦變例也仁和趙
茂才坦藏

吳永安甌

右甌厚一寸二分長六寸一分文曰永安二年許五
字許字下作界劃交互紋仁和趙茂才坦得於臨平

山中永安二年是吳景帝孫休卽位之次年

吳寶鼎甄

右甄長一尺一寸二分厚一寸八分文曰大吳寶鼎

二年歲在丁亥作凡十一字朱

竹垞

曝書亭文集跋

云康熙四年吳之村民于小雁嶺掘地得甄二識云

大吳寶鼎二年歲在丁亥作凡十有一言蓋孫皓時

紀元通鑑晉泰始三年也面有螭文知非民間物考

是年六月皓起昭明宮方五百丈二千石以下皆自

入山督攝伐木一時搏埴之工陶旋交作或分命吳

郡助其役理有然者甄之爲用古人取材必精故羽

陽銅雀香姜之瓦皆可製研而是甄相之理猶質暴

若似乎火氣不交埒不孰者殆爲圻者所棄流轉民間未可知也

吳寶鼎甄

右二甄一長一尺四寸八分廣二寸五分文曰寶鼎二年七月卅日臨淮裴雁造十三字背面有作壁大吉祥五字一長一尺二寸五分廣二寸五分文同上唯寶字止存半形皆反書烏程王氏漁所藏臨淮本漢郡至周大象二年始改爲泗州曰作壁大吉祥者知非摹甄矣

吳天册甄

右甄與下天紀甄皆浙人所藏今歸於元長寸

分厚 寸 分文曰天册元年四字上有手掌形按
天册元年孫皓卽位之第十二年也

吳天璽甄

右二甄一長一尺五寸廣二寸二分文曰天璽元季
大歲在丙申荀氏造十二字一長一尺五寸六分廣
一寸三分文同上烏程鈕氏重熙所藏說文璽王者
印也所以主土从土爾聲籀文从玉此從籀文作璽
荀氏據說文當作郇此已去邑爲荀矣

吳天紀甄

右甄長四寸二分厚一寸六分文曰天紀二年韓五
字徑寸按吳孫皓紀年有天紀至四年卽爲晉所滅

矣

吳潘氏甄

右四甄一長一尺五寸廣二寸三分文曰吳興東遷
學潘瑾造八字一長九寸五分廣二寸六分文曰遷
學潘瑾造五字一長七寸六分廣二寸五分文曰學
潘瑾造四字一長七寸六分廣二寸五分文曰東遷
左口潘五字皆烏程陳氏經所藏元和郡縣志湖州
禹貢揚州之域秦始皇徙越人於此吳歸命侯置吳
興郡甄文有吳興字是吳孫皓時所造元和姓纂潘
氏楚公族芊姓之後漢有潘瑾未知卽此人否元嘗
於浙中得一甄有潘氏字而無名今觀此甄知卽爲

瑾所造東遷是其所居里名學者亦鄉塾之通稱也

晉泰始甄

右甄長四寸三分厚一寸文曰泰始一年四月造七

字山陰某氏藏據陳氏

廣寧

拓本錄之泰始二年爲

晉世祖丙戌之歲是時魏蜀已亡惟東吳尚與晉分國此甄非吳中所應有或得之他處耳

晉太康甄

右三甄一仁和趙茂才

坦

藏長六寸厚一寸四分文

曰太康元年造大六字一錢唐趙氏

輯寧

藏長三寸

厚一寸三分文曰太康元三字其側面三字惟元字尚完善一口口某氏藏文曰太康三年七月廿日蜀

師所作十二字此三甄皆出于臨平山中按是年歲次庚子卽孫皓天紀四年甄造於晉世祖平吳之後故用太康紀年

晉太康蜀師甄

右蜀師甄三皆張氏

燕昌

藏前二甄長五寸厚寸分

文曰蜀師二字三列共六字繞字作蕉葉四出文後一甄長一尺餘厚寸分文曰太康三年十一月廿日

蜀師所作十三字

元

近于吾鄉平山堂洛河得蜀師

甄一形制略同因考吳書定爲孫峻所作廣陵城甃蜀師者爲吳中作甄之氏卽工師也漢弩機有稽師之稱亦與此同

晉太康輓

右二輓皆海鹽張氏

燕昌

藏各長九寸五分厚一寸

二分其一文曰大康四年八月十七日九字其一康
上缺大字日下多作字文皆反書大卽太字廣雅太
大也唐以前經典古本皆作大無作太者後人傳刻
皆改作太字矣

晉太康輓

右二輓一爲嘉興沈氏藏長一尺厚一寸五分文曰
太康五年十一月郭家葬十字反書一爲海鹽吳氏
厚生藏長六寸厚一寸六分文曰太康八年二月辛
未廿日十字

晉元康甄

右五甄一長四寸厚一寸六分文曰元康元年四字
一長三寸四分厚一寸二分文曰元康元隸書三字
徑九分一長四寸厚一寸六分文曰元康元三字皆
仁和趙茂才^坦藏一長三寸二分厚一寸二分正面
文曰元康元三字側面花紋一長四寸五分厚一寸
二分文曰元康元三字皆錢唐趙氏^{輯寧}藏此五甄
皆殘缺不全其文似正似隸皆惠帝時物也

晉元康甄

右甄長五寸厚一寸三分文曰元康二年同壬六字

錢唐陳氏

豫鐘

得於武康縣治

右四甌一爲陳氏

豫鐘

藏長九寸厚一寸四分文曰

元康四年八月口口大夫元口口凡十三字一爲嘉

興沈氏藏長四寸一分厚一寸四分兩面皆有文曰

元康四年七五字一爲趙氏

輯寧

藏長三寸七分厚

一寸五分兩面有文曰元康四年四字一爲趙茂才

卬藏長三寸厚一寸二分文曰元康四年四字

右甌長五寸一分厚一寸四分文曰元康五年八月

七凡七字陳氏

克明藏

右甌長六寸五分厚一寸三分文曰元康七年大歲

在丁巳十月十日凡十三字舊爲丁氏

敬身

所藏見

金石契今歸趙氏

輯寧家

右二輓海鹽張氏

燕昌

藏並長九寸四分厚一寸五

分一題元康九年八月癸未朔八日庚寅哀子楊猛
造凡十八字一題元康九年八月癸未朔口日辛卯
哀子楊若凡十七字首輓朔下庚上八日二字旁增
次輓一字缺壞蓋是九字癸未爲朔則九日在辛卯
也若字古老子作勞見夏竦古文四聲韻此正用其
體禮祭稱孝子孝孫喪稱哀子哀孫士虞禮記三稱
哀子某至末始稱孝子某注云喪祭稱哀稱孝者吉
祭此輓置于墓內爲葬時所用故稱哀子後世加之
區別父歿稱孤子母歿稱哀子不合于古矣

晉永寧輓

右三軌一爲嘉興張孝廉

廷濟

藏長一尺四寸厚一

寸四分文曰永寧元年六月十八日淳于氏作奉在

口十五字一爲海鹽張氏

燕昌

藏長五寸七分厚一

寸三分文曰永寧元年六月十九日凡九字此與上

軌同屬一時今日下淳字尙微露一二筆也一爲仁

和趙茂才

組

藏長二寸三分厚一寸三分已殘缺僅

存永寧二字案永寧元年晉惠帝卽位之十二年也

晉永興軌

右軌長四寸六分厚一寸五分文曰晉永興二年八

月口凡八字海鹽張氏

燕昌

藏永興晉惠帝年號二

年歲次乙丑也

晉永嘉軌

右軌厚一寸四分長九寸九分文曰永嘉六年六月
庚戌朔郎中陽武亭侯薨世子淳于康所作凡二十
三字字皆反書軌新出於海鹽縣祿里山中張氏

昌吳氏

東發

各藏其一吳有跋云晉天文志永嘉六

年二月壬子朔推至六月當得庚戌朔也陽武漢屬
河南罷晉屬滎陽罷續漢書百官表郎中比三百石
此繫於亭侯之上蓋由郎封侯猶漢滕侯更始初爲
舍人郎中赤泉侯楊喜以郎中騎從灌嬰共斬項籍
封侯是也亭侯次於鄉侯爵在關內侯上陽武亭侯
由郎中封必胥功勛可紀而不見於晉史考永嘉三

年平陽人劉芒蕩僭帝號於馬蘭山支胡五斗叟郝
索聚衆數千爲亂征西大將軍南陽王模使其將淳
于定破劉芒蕩五斗叟並斬之疑湯武亭侯卽淳于
定以斬二寇封侯矣又按懷帝紀云模使車騎將軍
王堪平北將軍曹武討劉聰模傳云模使帳下都尉
陳安討苞遣軍司謝班伐定使牙門趙梁戍蒲阪皆
著其官獨至定帝紀則曰使其將淳于定模傳則曰
模謀臣淳于定曰使淳于定則定之官爵史固莫得
而詳矣

晉永嘉鞞

右灑厚一寸五分長四寸六分文曰晉永嘉六年五

字仁和趙氏魏藏嘉省作加此據吾弟亨拓本錄入

晉建興輓

右輓三種一仁和趙茂才垣藏厚一寸四分長四寸

文曰建興三年八月百七字一錢唐趙氏輯寧藏厚

一寸二分長四寸一分文曰建興四年六月六字一

錢唐陳氏豫鐘藏厚一寸四分長五寸三分文曰建

興四年太歲在七字按諸史以建興紀元者一爲蜀

後主凡十五年一爲吳會稽王亮凡二年一爲晉愍

帝凡四年一爲成太宗李雄凡二年一爲後燕世祖

慕容垂凡十年一爲渤海宣王大仁秀此三輓乃西

晉物後一輓太歲在字下已缺按四年歲次丙子是

時劉曜取長安以愍帝爲懷安侯西晉卽亡於是年也

晉建武軌

右軌長九寸三分厚一寸四分文曰建武元年閏月
俞龍暉口凡十字錢唐陳氏豫鐘得於武康縣學建
武元年乃東晉元帝丁丑之歲也

晉大興軌

右二軌一仁和趙茂才垣藏長九寸一分厚一寸三
分文曰大興四年八月廿日作凡九字一爲錢唐趙
氏輯寧藏長五寸二分厚一寸三分文曰大興四年
八月凡六字大興四年乃東晉元帝卽位之五年也

晉永昌甄

右甄山陰某氏藏據陳氏慶寧拓本錄之長四寸五

分厚一寸一分文曰永昌元年六月廿日楊吉凡十字按東晉元帝卽位之六年改元永昌此甄殆楊氏所造爲墓壙中物歟

晉泰寧甄

右三甄一爲海鹽張氏燕昌藏長一尺四分厚一寸

三分文曰泰寧三年太歲在□□六月廿四日凡十四字皆反書側面又有兒羨作三字兒姓今改爲倪前漢有兒寬兒長卿後漢有兒武兒萌兒羨殆造甄者名氏一爲仁和趙氏垣藏長三寸二分厚一寸文

曰泰寧三年口五字一爲錢唐陳氏

豫鐘

藏殘缺存

太寧二字徑一寸側面二錢並花紋太泰古通用按東晉明帝太寧三年歲次乙酉第一甄所缺卽乙酉二字也

晉咸和甄

右甄元所藏長五寸二分厚一寸二分文曰咸和二

年歲在丁亥口凡九字案東晉成帝以丙戌卽位二

年是丁亥也何氏元錫得此甄于臨安山中以贈予

因琢爲研其質堅剛若鐵故能歷久如新隸體亦古勁可愛

晉咸康甄

右二甄一爲仁和趙茂才地藏長五寸四分厚一寸五分文曰咸康三年四字反書又一面文曰口墓在西其下已殘缺蓋古之墓甄也一爲山陰某氏藏據拓本錄之長四寸四分厚二寸文曰咸康四年四字咸康四年乃晉成帝嗣位之十三年也

晉永和甄

右甄長四寸二分厚一寸一分文曰永和四年四字

錢唐何氏

元錫

得於臯亭山佛寺今贈吳江郭氏

鑿

此甄在右軍書蘭亭之前五年知其時民間猶爛隸體也

晉升平甄

右甄長二寸三分厚一寸一分文曰升平元年四字
仁和趙氏魏藏按晉穆帝既冠卽位改元升平張太
后稱制已十有四年矣

晉興寧甄

右三甄一爲趙氏魏藏長五寸六分厚一寸五分

文曰晉興寧元年七月凡七字一爲趙茂才坦藏長

四寸厚一寸二分文曰晉興寧元年七六字一爲元

藏長九寸八分寬四寸二分厚一寸二分兩縱面皆

刻界盡中間一錢兩橫面一刻興寧二年四字一刻

俞氏所作四字元所見古甄率皆殘缺不全惟此獨

完善可寶興寧乃晉哀帝紀年也

晉泰和軹

右二軹一長九寸五分厚一寸三分文曰泰和四年

七月毛口作凡九字皆反書錢唐何氏元錫得於臯

亭山僧寺今贈吳縣袁氏廷禧一長八寸六分厚一

寸五分文曰泰和四年作五字嘉興張氏北楸藏泰

和乃東晉哀帝紀元泰太古通用

晉寧康殘軹

右殘軹長三寸二分厚一寸四分文存寧康二字側

面又有泉文一枚何氏元錫得於龍井山中按晉孝

武帝建元寧康凡三年皆太后攝政此軹已殘闕不

全不定爲何年所造也

晉太元甄

右四甄一爲何氏元鑄藏長四寸厚一寸四分文曰

太元元年四字一趙茂才垣藏長五寸厚一寸五分

文曰晉太元四年杜氏立凡八字一爲陳氏廣寧藏

長五寸八分厚一寸三分文曰晉泰元九年七月二

〇日凡十字一爲徐氏澄藏長四寸厚一寸三分文

曰太元廿年造五字按太元爲晉孝武帝建元凡二

十一年

晉隆安甄

右甄出于嘉興長八寸餘厚二寸文曰隆安五〇〇

〇周令周氏之郭〇〇〇典晉安帝紀元也字體八

分實近今楷矣

晉義熙軹

右軹長五寸六分厚一寸四分文曰義熙十三年八

月廿七凡九字反書陳氏

錄鐘

得於武康今贈徐氏

楸義熙十三年乃晉安帝丁巳之歲後三年卽入于

劉宋矣

梁天監軹

右軹仁和趙氏

魏

藏長三寸六分厚一寸五分文曰

天監八年五月六字天監二字書於上截其下八年

五月作斜界文以間之天字上一畫連于四周之廓

頗似大字下一字尤與通近然大通無八年故仍從

舊讀

南齊妙相寺造象題字

齊永明六年太歲戊辰於吳郡敬造維衛尊佛

右造象題字在山陰縣妙相寺文三行正書徑八分
嘉泰會稽志載此維衛尊佛佛作像云齊石佛像銘
十八字筆法亦工在會稽石佛妙相寺案元和郡縣
志云後漢順帝時分浙江以西爲吳郡以東爲會稽
郡自晉至陳又於此置東揚州隋改吳州又爲越州
此南齊石刻而稱吳郡則當時亦有改併之事爲諸
書所未載歟

後周造觀世音像銘

天和四年歲次己丑七月廿三日仙弟子王□□敬造觀
世音像一區□爲父託生西方見存母菴命延年益壽
己身□□日進□□三司家內大小康和生生世世侍仙
聞法女□子女妃孀息王士□息王士榮息王士寬妻淳
芳妃

右石縱二寸三分橫四寸周廣一尺四寸四邊刻文
正書徑四分可辨者八十一字仁和趙氏魏得於關
中佛寺今藏於家佛弟子王下名已泐去隱隱辨是
慶貞字銘文有三司字按周書盧辨傳開府儀同三
司正九命也武帝紀建德四年十月改開府儀同三
司爲開府儀同大將軍儀同三司爲儀同大將軍此

在天和時故猶稱三司女妃嬪妻淳于妃民女稱妃
元魏北齊造像往往有之

唐太宗御書屏風碑

關書

□□□□西域通使敦煌獻□□珠可復求而易得否則
對曰對若陛下化洽中國德流沙漠則不求自至求而得
之不足爲貴也 齊景公時雨雪三日公被狐裘坐於堂
上謂晏嬰曰雨雪三日天未寒何也嬰對曰古之賢君飽
知人飢溫知人寒 晉武帝問侍中裴楷曰朕應天順民
與海內更始天下風聲何得何失楷曰陛下受命四海承
風所以未能比德於堯舜者爲賈充等諸人在朝方今宜

引天下賢人與之宏治道不宜示以私 宋孝武帝時帝弟襄陵王作變事平復帝廟告輿駕出定陽門勅令從者文武士庶並皆呼稱萬歲時侍中蔡興宗陪輦不呼帝顧謂興宗曰卿何獨不呼興宗正色荅曰陛下今日正應涕泗行誅豈得軍中皆稱萬歲 蜀劉備襲破劉璋置酒口會謂龐統曰今日之會可謂樂矣統對曰伐人之國而以爲歡非仁者之道也 措心不達措事多昧言亦見尤動則貽悔無辨榮辱莫知進退甚矣斯人虛懸雅對

惑溺第十一

殷紂爲長夜之飲失日不知甲子使人問於箕子謂其使曰爲天下主而一國皆失日天下危矣一國失之而我獨

知之我其危矣遂辭以醉

漢高帝欲廢太子而立趙王如意大臣固爭莫能得太傅叔孫通諫曰昔晉獻公以麗姬故廢太子立奚齊晉國亂者數十年爲天下危秦以不早定扶蘇胡亥詐立自使滅祀以陛下所親見今太子仁孝天下皆聞之陛下必欲廢嫡立少臣願先伏其誅帝曰罷矣吾特戲耳通曰太子天下本一搖天下震動奈何以天下戲 漢文帝時丞相申屠嘉入朝見鄧通居帝旁有怠慢禮嘉進曰陛下愛幸羣臣則富貴之至朝廷之禮不可以不肅帝曰君勿言吾私之 漢武帝使太中大夫吾丘壽王等舉籍阿城以南盤屋以東宜春以西隄封頃畝及其價直欲以爲上林苑

屬之南山又詔中尉左右內史表屬縣草田欲以償鄠杜之民壽王奏其事上悅稱善時東方朔在旁進曰臣聞謙遜靖愨天表之應之以福驕溢靡麗天表之應之以異今陛下累層臺恐其不高弋獵之處恐其不厲如天爲變則三輔之地盡可以爲苑何以蓋屋鄠杜云乎奢侈越制天爲之變上林雖小臣猶以爲大也 漢元帝王皇后無寵太子頗知帝意欲立定陶王數王稱其才藝音樂侍中史丹進曰凡所謂才敏而好學溫故知新皇太子是也若乃器人於絲竹鼓鼙之間是則陳惠李微高於匡衡可相國乎 漢元帝以京房言災異屢中每親近之房嘗因晏語問元帝曰幽厲之君何以危所任何人也帝曰君不明

而任巧佞房曰知其巧佞而任之耶將以爲賢耶帝曰賢之房曰今何驗知其賢帝曰以時亂而君危知房云齊桓公秦二世嘗聞此二君而非笑之矣然則任豎刁及趙高政治日亂何不以幽厲卜之而不覺寤乎帝曰唯有道者能以往知來耳臨亂之君各賢其臣今皆覺寤安得危亡房因免冠謝曰春秋記二百四十以來災異並出人民飢疫盜賊不禁視今爲治耶爲亂耶所任者誰與帝知房意在石顯曰幸其愈于彼又以爲不在此人房曰夫前世之君亦皆然矣臣恐後之視今由今之視前也 齊桓公視管仲疾因問孰可爲代管仲曰知臣莫若君公曰易牙何如對曰殺其子以適君此非人情不可任以臨國

前代君臣語錄屏風書第六

魏文帝好射雉侍中朱佐治嘗從帝曰樂哉佐治曰於陛下甚樂於羣下甚苦帝默然 魏文帝問侍臣曰獵之爲樂何如八音侍中劉曄曰獵之爲樂何如時勝於樂侍中鮑勛元諫曰夫樂上通神明下和人理隆治致化萬邦咸乂故曰移風易俗莫善於樂豈如猶暴華蓋于原野傷生育之至理櫛風沐雨不時隙哉昔魯侯觀魚春秋譏之雖陛下以爲務愚不願也今劉曄佞諛不忠巧順陛下過戲之言昔梁王據口美於專臺曄之謂也請有司議罪以清皇朝帝怒作色出勛爲左中郎將 魏明帝喪未期女追謚平原懿公主帝欲親送葬少尉楊阜諫曰文皇帝宣皇

后崩陛下皆不送葬所以重社稷備不虞也何至孩提赤子可自臨哉帝不聽 識劣難持情偏易惑溺此耽愛忘彼剛克愆爲性谷思乃草賊居上不思何先之保以小治及其沒世日以驕阻阻法度之威以盡口於下下罷極則以仁義怨望於上上下交爭以相篡弑皆由此也夫或則不然上含淳德以遇其下下懷忠信以事其上一國之政由如一身治不知所以治此真聖人之治也 齊景公飲酒樂謂晏嬰曰請子去禮嬰對曰今齊國小童皆勝嬰與君也所以不敢亂者畏禮也故君無禮不可以使下臣無禮不可以事上公乃正席 齊景公遊牛山北臨國城流涕曰美哉國如何去此而死乎晏嬰笑公顧曰寡人哭而

子笑何也嬰對曰君使賢者常守此國公何以得在耶政
應被簞笠在乎畎畝之中何暇念死乎 宋昭公出亡欲
去曰吾知所以亡矣吾朝臣千人每舉事無不曰吾君聖
者吾被服立朝無不曰吾君麗者內外不聞吾過是以至
此也 楚靈王登章華之臺以作樂顧謂伍舉曰美夫樂
哉舉對曰臣聞國君服寵以爲美安民以爲樂不聞以土
木崇高雕鏤以爲美金石匏竹之音以爲樂且先君莊王
爲臺高不過望國之器大不過容俎豆民不廢時官不易
朝是以能除亂剋敵今君爲此臺也國民罷焉財用盡焉
百官煩焉以此爲美楚其殆矣 漢文帝嘗至霸陵使慎
夫人

右唐太宗屏風書余從兄季平家所藏蓋從祖紹興初爲
江西漕屬以重賂得于北人之南渡者凡十一幅皆絹素
也其上雜繪禽蟲水藻之文猶隱隱可認按唐會要正觀
十四年四月二十二日上自爲真草書屏風以示羣臣筆
力遒勁爲一時之絕白正觀至今蓋五百四十有三年矣
真書者不復見而草書僅存此而止誠可寶也余從季平
假觀月餘心甚愛之翫弄不能釋手乃親摹得此本而以
真本還之淳熙九年冬十一月祝寬夫公濟跋

季平後攜遊輦下爲好事者攫取之而不歸每一懷想深
爲歎惜紹熙甲寅十月丁未書

淳熙丁未鄱陽姜堯章題

丁未歲見此本時已大醉公濟口之題數字今不復記憶
開卷恍然若羊叔子之識環也乙卯二月七日書于來昌
簿廳

此書高古爲唐文皇筆無疑若刻之石當稍出其鋒銳也
夔又書

唐文皇正觀之治由漢以來未之有也論者皆謂魏證勸
行仁義之效今觀此書其間多指述前代得失理亂之迹
以目儆戒蓋其天資高明識見深遠中材庸主所不能及
則當時治効證豈容於專美于斯三嘆三咏同治石以廣
其傳是不特寶玩其書法而已也嘉泰甲子冬十月既望
奉議郎知臨安府餘杭縣主管勸農公事王允初謹書

延祐丙辰春訪此石于永安寺觀之眞墨寶也故復遷立於縣廳以廣其傳承務郎餘杭縣尹兼勸農事王昌題

右碑在餘杭縣治大堂之側碑首折角草書七列字徑六七分不等按唐會要貞觀十四年四月二十二日上自爲眞草書屏風以示羣臣筆力遒勁爲一時之絕韋述唐朝敘書錄云太宗嘗謂朝臣曰書學小道初非急務時或畱心猶勝棄日凡諸藝業未有學而不得者病在心力懈怠不能專精耳朕少時爲公子頻遭陣敵義旗之始乃平寇亂執金鼓必自指揮觀其陣卽知其強弱每取其強對其弱以其弱對其強敵犯吾弱追奔不逾數十步吾擊其弱必突過其

陣自背而反擊之無不大潰多用此制勝思得其理
深也今吾臨古人之書殊不學其形勢惟在求其骨
力及得其骨力而形勢自生耳此帖刻于南宋嘉泰
間後有祝公濟姜堯章諸跋文中多指述前代理亂
得失之蹟足爲治朝龜鑑太宗御書碑刻今山西尙
存晉祠銘書體全法聖教序此則凌跨一切縱橫自
如當年單騎突陣氣象猶彷彿見之

唐阿育王寺常住田碑

大唐越州都督府鄞縣阿育王寺常住田碑 舊碑是前

口趙州刺史徐嶠之書

前秘書省正字郎萬齊融撰 順陽范的書并篆額 韓

特鐫

我聞語寂滅者本之以不生而菩薩不能去資生立法談
逍遙者存之於無待而神人不能亡有待爲煩吉祥之降
帝農教以耒耜蒼靈之下后稷俾其播種故維摩之毗耶
稽首持鉢尙詣於香積釋迦之給孤洗足著衣猶乞食於
舍衛口知夫食者不獨乎人天農者豈唯乎政本阿育王
靈塔寺者晉義熙元年之所置也昔孔雀氏宿童子之因
果當金人之授記暨織輪位正寶塔功成計烏道之千里
占人寰之一勝夜叉密跡以飛行神僧護影而圍繞雖方
壇氣象已萌青石之符而員頂光明未質白雲之狀迨觀
音應現而口口利寶虛求以昭發全身踊出傚如多寶之

音一爪圓開宛是棲邨之相神其不滅道在茲乎晉安帝
允釐三才成就六度聿圖蘭若式印招提景行阿育王故
以育王靈塔爲稱首徒觀夫輪奐規矩鈞繩般製珠軒翠
檻延袤中霄玉雷金池周羅上界環海之下流元氣大地
爲衣圍山之上結太清諸天作蓋信方廣一都之會也左
赤岸而十里右青□□□曲霞標莽蒼幽幽迷鬼谷之祠
日利精明的的識丈人之館天花未雨宿傳龍界之香地
籟無風時起惠山之梵則知定光諸佛悔天台之赤城羅
漢羣仙謬崑崙之元圃□□法惟神授道乃人宏向使輪
柯王昧巴連之因初微此塔迦葉佛晦闍浮之跡殆曠茲
山蓋虛明之絕境不可得而思議者也粵寺東十五里塔

聖常住田者宋元嘉二年奉□□所立也宋文帝秉籙御
輒作娑羅之外護感闍耶子砂糗之供制賜是田梁武皇
握樞臨極爲寶應之下生見阿育王金粟之果勅蠲其賦
日月盈止既有命以自天陵谷迭□□動其如地梁普
通中沙門僧綬茲寺之應真也以發行爲道場以直心爲
淨土聞純陔良田之喻遂篤志焉旣種旣戒載芟載柞察
地道之化成觀天道之時變晤是身無之□□始以常住
名焉次有僧濟上人虛已淨心紉茲惠業披衣畫其膝埒
持戒整其疆畔苗而不秀有恨何及逮陳隋之季喪亂荐
臻農野蕭條鞠爲茂草空二字我皇家執大象乘飛龍涉丕
上帝之耿命紹復先王之大業有山棲曠和上道尊人傑

德貴天師

字空二

中宗孝和皇帝親降璽書願同金輦擊鼓

而陳其入國造船而捧其登座故知二乘行道□□朱□
四果適時還陞紫殿雖植衆德本作南山之福田種諸善
根存東臯之淨業初湖之左右夾壤二區榛梗始艾菑畚
粗立僧徒理勝力未贍農童牧因間私竊種藝和上□蒙
俗之貪垢負冥期之幽報乃推湖西易壟讓爲閑田□諍
歸之春稅就給唯割湖東十頃復古賜地窮海北漸曾山
南麓樓子根盤以東峙富都股引而西注真陸水膏腴之
沃壤實神靈滋液之奧區於是奠其畛畷孚其版籍農野
罷侵田峻至喜人到于今稱焉前寺主簡皎二法師僧祇
之龍象也就先疇之畝畝敦老農之底績歲事作製裁笠

來思者久之歲功未成生厓共盡流沙忽去荒涼紫陌之
田影壁空存搖落青園之寺可爲長太息者矣有惠炬閣
黎德業淳脩曾統綱領道勝之韻生而能言禪悅之味老
而彌篤用能纂其口始高軌可追庀其委積長筆斯遠與
法言沙門俗姓喻氏貞已密行惠心苦節今屆知聖任垂
將十年先是烏鹵未斥塗洳未濬臺稗翳蒼澗于農郊夫
其心嗇制度目口曲折荷插畚土堙窪鏟凸隕竹落捷石
留漑高湊仰增卑陪薄分熬水怒承達出氣填掇遊盪而
時至餘波寬緩而不迫終古旱害浸以汗潢冬不祈於積
雪夏無榮乎小雨由是湖口千金之号焉當其春鳳司載
田事旣飭產孚甲毓萌芽或蔗或蓀實穎實發上農臺而

課長羸汝陽之稼如雲矣及夫寒蟬記時農乃登穀兒積
聚築場圃孚不遺秉贏無□□□□庾而督收成海陵之
倉非衍矣詩云倬彼碩田歲取十千其是之謂乎百穀旣
蒸萬供旣設滿以衆香之鉢薰以毗耶之城或異聲聞若
化菩薩虛高座以影集時洪鍾而□□□座而坐飯食經
行臭若香風味同甘露遍滿一劫周流十方聞之者得未
曾有食之者歲登正位白衣之會龍圖無掘鬱金之香緇
裳之集雞寺不碎菴羅之末三藏大德□食金之可貴一
器沙彌識麩坩之非重資我飯色師之力歟都維那元綜
遊方觀化太□慈誘火耕水耨常有助于上農飛杖浮杯
今載行乎中國上座釋辯疑十城之僧主也神清□合金

杵發其休徵寺主釋惠敏九州之維那也風骨天成鐵鎮
起其靈相咸能以如來之衣衣分如來之座坐護育王之
靈塔願資金錢託育王之聖田思模石柱弟子早校蘭書
式典麒麟之閣晚遊蓮跡每參鸚鵡之林賓頭盧之下空
亟見有能師子舍那私之入寺豈謂無知老人識異博文
才非能賦阮公不事曾供香花願越有緣遂瞻碑版滿笈
多之石室未擲其籌對輪王之金地且耕其筆多羅之葉
而書偈云

渾儀草昧象物紛拏或甲而乙或萌而牙萬殊成類百寶
攸嘉故后稷播其種神農嘗其華其一燧人更運火正司職
教以鼎飪炊之黍稷易茲毛茹成此粒食是之爲人天是

之爲皇極

其二

我聞維摩曾語舍利如來大慈甘露上味又

見阿難問是香氣亦有以飲食以之爲佛事

其三

若長者主

若聲聞人天諸居士地虛空神如聞飯氣而亦來臻況

口之口口有待之爲身

其四

猗歟童子供資砂糗法主大慈

冷然虛受伊鐵輪以授記從滅度後何寶塔之莊嚴得未

曾有

其五

鳥道於許人寰在哉鬼神冥運風雨潛來白雲涌

出青山口開口千輪之蓮跡建百福之花臺

其六

宋帝下生

梁皇外護大稷賜疇司農蠲賦臯壤映發湖源灌注旣魚

口以左右亦犬牙而盤互

其七

菑畬平秩臺笠來思爰疏畛

畷是務鋤犁三農奕奕萬畝祈祈自膏腴而兼倍矧雨露

與華滋

其八

懿茲開土賞功司過口以猶勤形以肅情東作

方喜西成是課始象耕而鳥耘終牛舂而馬簸

其

九千箱既

積五穀斯分味蒸甘露口涌香雲孰云菩薩而謂聲聞搏

須彌所不能盡曷毗耶之足薰

其

藐爾赤松猶田白玉矧

伊塔寺神通付囑信矣育王能生金粟彼鄭國之泥紫如

富都之水綠

十

我來自東經口成趣淨業斯闢善根方樹

式紀因緣匪存章句庶金田與石粒口巍巍以常住

育王寺碑後記

此寺碑記嘗爲寇盜墮壞久無豎立有好事僧惠印錄其
舊文藏于篋笥又與老宿僧明秀志詮寺主僧志口上座
僧栖雲都維那僧巨嵩會議重建其碑焉余美其樂善會
刻越間有隱逸之士曰范的業文功書未遇於時常萍泊

雲水間一日扁舟至明余邀以書之添勝境遊觀之一事
略記端由於碑後云大和七年十二月一日明州刺史于
季友記

范處士在育王寺書碑因以寄贈 明州刺史于季友

墨妙復辭雄扁舟訪遠公雲天書梵字霜月步蓮宮跡寄
雙林下名畱劫石中遙知松逕望棠葉滿山紅

時在育王寺書石字奉酬中丞使君寄贈四韻 次用本韻

處士范的上

拙藝荷才雄新詩起謝公開緘光佛域望景動星宮風雪
文章裏書鐫琬琰中將誰比佳句霞綺散成紅

石有□者曰□□

音柳

右碑在鄞縣阿育王寺額題篆書阿育王寺常住田
碑八字徑二寸五分文三十三行又後記并詩四行
俱行書徑八分碑首題大唐越州都督府鄞縣按唐
書地理志開元二十六年割越州之鄞縣置明州齊
融撰碑時尙屬越州爲都督府所轄徐嶠之善書法
唐書附其子浩傳墨池編云嶠之字惟嶽佐佑五王
迎立中宗歷趙湖洛州刺史此題趙州刺史是在迎
立中宗之後則碑當書於開元初年也萬齊融見舊
唐書賀知章傳云神龍中知章與賀朝萬齊融張若
虛邢巨包融等俱以吳越之士文詞俊秀名揚上京
賀朝萬止山陰尉齊融崑山令是舊唐書以萬字屬

上文誤作賀朝萬矣錢少詹大昕云唐時祕書省著作局集賢院經局皆設正字或四人或二人皆或正九品下或從九品上今齊融結銜係以郎字不知何時所增也于季友太保頤子附見頤傳尙憲宗女永昌公主拜駙馬都尉宰相世系表但書絳宋等州刺史不及明州略也范的爲剡越間隱士以書文見契於刺史可補書史會要之遺順陽乃其本望季友與的倡和詩全唐詩皆不載

兩浙金石志卷一

廣東按察使山陰李 澐刊

臨海洪瞻墉校